



Broj: 02/1- _____/24
Datum: _____2024. godine

Shodno Sporazumu broj: 02/1-1719/24 od 08.03.2024. godine, potpisanom između Općine Kakanj i NVO „Muslim Aid Association“ Sarajevo, a vezano za Projekat „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima“ a u cilju razvoja plasteničke proizvodnje na području općine Kakanj, **Općinski načelnik raspisuje**

JAVNI POZIV
za podnošenje zahtjeva za dodjelu plastenika u površini od 100 m², sadnog/sjemenskog materijala, sistema za navodnjavanje i dodatne opreme

Općina Kakanj u saradnji sa nevladinom organizacijom Muslim Aid Association sa sjedištem u Sarajevu raspisuje Javni poziv za podnošenje zahtjeva za dodjelu dvadeset (20) plastenika u površini od 100 m² sa sadnim/sjemenskim materijalom, sistemom za navodnjavanje, kristalonima i dodatnom opremom. Projekat sufinansiraju Općina Kakanj sa 40% sredstava, nevladina organizacija Muslim Aid Association sa 40% sredstava i krajnji korisnik sa 20% sredstava od ukupne cijene plastenika i dodatne opreme.

I PRAVO UČEŠĆA

Pravo na učešće u Projektu imaju socijalno i materijalno ugrožene osobe i mlade osobe sa područja općine Kakanj koje posjeduju vlastito poljoprivredno zemljište ili zemljište u vlasništvu članova uže porodice po prvoj liniji (majka, otac, djed...), kao i zemljište ustupljeno na korištenje ili uzeto u zakup u neposrednoj blizini stambenog objekta u kojem stanuju (udaljenost ne veća od 1 km putnom komunikacijom).

Pravo na dodjelu plastenika sa dodatnom opremom nemaju lica koja su dobila donaciju iz oblasti poljoprivrede (plastenik) od Općine Kakanj, nadležnih ministarstava, humanitarnih i drugih organizacija u posljednje tri godine. Pravo učešća nemaju članovi uže porodice zaposlenika Muslim Aid Association Sarajevo i Općine Kakanj. Pravo učešća nemaju lica koja su u proteklom vremenskom periodu nenamjenski koristila dobijena sredstva od strane Općine Kakanj kao i Muslim Aid Association ili ista zloupotrijebila.

II USLOVI

Podnosilac prijave treba da ispunjava sljedeće uslove:

- da je nezaposlena osoba ili osoba sa minimalnim primanjima ili mlada osoba u dobi od 18 do 35 godina, sa prebivalištem na području općine Kakanj,
- da je nosilac ili član poljoprivrednog gazdinstva u Registru poljoprivrednih gazdinstava i Registru klijenata FBiH,
- da je podnosilac zahtjeva ili član uže porodice vlasnik ili posjednik poljoprivrednog zemljišta pogodnog za plasteničku proizvodnju ili da je poljoprivredno zemljište pogodno za plasteničku proizvodnju uzeto na korištenje ili u zakup i da se isto nalazi u neposrednoj blizini stambenog objekta u kojem stanuju (udaljenost ne veća od 1 km putnom komunikacijom),
- da postoji mogućnost navodnjavanja plastenika,
- da u trenutku prijave za učešće u ovom projektu nema više od 100 m² plastenika u svom posjedu ili posjedu užeg člana domaćinstva (pod posjedovanom plasteničkom površinom smatra se plastenik metalne konstrukcije sa bočnim ventiliranjem),
- da će sufinansirati 20% (740,00 KM) od nabavne cijene plastenika sa dodatnom opremom,
- da obavezno prisustvuje edukaciji iz oblasti plasteničke proizvodnje,
- da u posljednje tri godine nije ostvarivao/la pravo na donaciju u oblasti plasteničke proizvodnje, od Općine, nadležnih ministarstava, humanitarnih i drugih organizacija,
- da nije zloupotrijebio/la ranije dobijena sredstva od strane Općine, nadležnih ministarstava, humanitarnih i drugih organizacija,
- da će dodijeljeni plastenik zadržati u vlasništvu najmanje 3 godine od potpisivanja ugovora.

III POTREBNA DOKUMENTACIJA

Podnosioci zahtjeva trebaju priložiti sljedeću dokumentaciju:

1. Aplikacijski formular (zahtjev) za prijavu na Javni poziv (preuzima se u Službi za privredu, urbanizam i zaštitu okoline Općine Kakanj),
2. Kopija potvrde o upisu u Registar poljoprivrednih gazdinstava i Registar klijenata (RPG i RK) izdata od nadležne općinske službe ukoliko je kandidat upisan u Registar poljoprivrednih gazdinstava. Ukoliko nije, potrebno je dati izjavu da će se ukoliko ostvari pravo na donaciju upisati u RPG i RK u toku 2024.godine.
3. Ovjerena kućna lista,
4. Dokaz o nezaposlenosti svih punoljetnih članova zajedničkog domaćinstva izdat od Biroa za zapošljavanje, a za lica koja se ne vode na evidenciji kopija zdravstvene knjižice ili ovjerena izjava kojom se garantuje da je lice nezaposleno,
5. Potvrde iz škole/fakulteta (ovjera tekućeg semestra u indeksu ili potvrda o pohađanju za studente; za učenike moguće kopija prve strane đачke knjižice ili kopija svjedočanstva) za djecu/izdržavane članove domaćinstva (djecu predškolskog uzrasta) priložiti rodni list,

6. Uvjerenje ili drugi dokaz o visini prihoda za svakog zaposlenog člana domaćinstva sa kućne liste (za penzionere posljednji ček od penzije ili potvrda izdata od banke),
7. Vlasništvo ili posjed nad parcelom koja se namjerava koristiti za instaliranje plastenika (kopija ZK izvadka ili Posjedovnog lista, ili ugovor o zakupu/korištenju parcele),
8. Dokaz da je samohrani roditelj (smrtni list ili dokaz o razvodu braka ili drugi dokument kojim aplikant može dokazati da je samohrani roditelj),
9. Dokaz da je podnosilac zahtjeva i/ili član domaćinstva (dijete, bračni drug sl.) osoba sa invaliditetom (potvrda/mišljenje stručne medicinske komisije o utvrđenom invaliditetu),
10. Ovjerena izjava da podnosilac zahtjeva u trenutku predaje zahtjeva za učešće u ovom pozivu nema više od 100 m² plastenika u svom posjedu ili posjedu užeg člana domaćinstva,
11. Ovjerena izjava da će korisnik podsticaja dobijeni plastenik zadržati u vlasništvu najmanje 3 godine od potpisivanja Ugovora,
12. Ovjerena izjava da podnosilac zahtjeva u posljednje 3 godine nije ostvario pravo na donaciju, dodjelu ili sufinansiranje nabavke plastenika od Općine, ministarstava, humanitarnih i drugih organizacija,
13. Ovjerena izjava da će sufinansirati 20% od nabavne cijene plastenika sa dodatnom opremom (740,00 KM), te da će obavezno prisustvovati edukaciji iz oblasti plasteničke proizvodnje.

Potrebna izjava za uslove pod rednim brojevima 10.,11.,12. i 13. se podnosi na zajedničkom obrascu „IZJAVA“, koja se može preuzeti u Službi za privredu, urbanizam i zaštitu okoline Općine Kakanj.

Ukoliko se prilikom bodovanja kandidata utvrdi nedostatak dokumentacije iz gore navedenih stavki, kandidat će biti eliminisan iz dalje procedure odabira za dodjelu plastenika.

Komisija zadržava pravo naknadne provjere dokumentacije ukoliko se ukaže potreba za tim kao i mogućnost naknadne dopune dokumentacije u posebnim slučajevima.

IV PROCEDURA ODABIRA KORISNIKA

Komisiju za odabir korisnika za dodjelu plastenika sa pratećom opremom imenuje Općinski načelnik, koju čine najmanje 3 člana od kojih su jedan član predstavnik Općine Kakanj, jedan član predstavnik Saveza „KAP“ Kakanj i jedan član predstvanik NVO Muslim Aid Association.

Zadatak Komisije je da na osnovu Pravilnika o utvrđivanju uslova, kriterija i postupaka za ostvarivanje prava za dodjelu plastenika i opreme u projektu "Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plasticima", obavi sljedeće;

- pregled prispjelih prijava,
- evidentiranje kandidata koji ispunjavaju uslove iz javnog poziva,
- izlazak na lice mjesta,

- bodovanje kandidata koji ispunjavaju uslove,
- sačinjavanje rang liste korisnika na osnovu utvrđenih kriterija,
- dostavljanje rang liste Općinskom načelniku na saglasnost,
- izrada zapisnika o radu Komisije.

Rang lista odabranih korisnika se objavljuje na oglasnoj ploči Općine Kakanj i dostavlja Muslim Aid Association na dalju proceduru. Na predloženu rang listu, korisnici imaju pravo žalbe u roku 5 dana od dana objave na naprijed nevedenim adresama. Žalba se podnosi pismenim putem sa tačnim obrazloženjem Komisiji putem protokola Općine Kakanj.

Između NVO Muslim Aid Association, Općine Kakanj i odabranih korisnika projekta, zaključit će se tripartitni ugovori kojim će biti regulisana međusobna prava i obaveze učesnika u ovom Projektu.

NAPOMENA:

Obrasci zahtjeva za prijavu se mogu preuzeti u Službi za privredu, urbanizam i zaštitu okoline i zajedno sa dokumentacijom predati u zatvorenoj koverti na protokol Općine Kakanj sa naznakom „Za javni poziv za dodjelu platenika sa dodatnom opremom“ - NE OTVARATI“.

Krajnji rok za podnošenje zahtjeva na Javni poziv je 15 dana od objave javnog poziva a najkasnije do 02.04.2024. godine.

Sve dodatne informacije mogu se dobiti u zgradi Općine Kakanj, I sprat, Služba za privredu, urbanizam i zaštitu okoline, Odsjek za lokalni ekonomski razvoj ili na broj telefona: 032/771-828 i 032/771-826, svakim radnim danom od 07:00-15:30 sati.

Nepotpune i neblagovremene prijave se neće uzeti u razmatranje.

Dostavljeno:

- 1 x Muslim Aid Association,
- 1 x Oglasna ploča Općine,
- 1 x Web stranica Općine,
- 1 x Lokalni medi,
- 1 x Služba za zapošljavanje ZDK, Biro Kakanj,
- 1 x Služba za privredu,urbanizam i zaštitu okoline,
- 1 x a/a

OPĆINSKI NAČELNIK

Mirnes Bajtarević